



N° 4268
Reçue le 12.05.2021
Déclarée recevable
Président de la Chambre des Députés
(s.) Fernand Etgen
Luxembourg, le 12.05.2021

Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 11/05/2021

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Immigratioun an Asyl, Famill an Integratioun & Justiz weiderzeleeden.

Ufanks vum 20te Joerhonnert si vill Lëtzebuurger wéinst der schwiereger wirtschaftlecher Situatioun hei am Land emigréiert. Dofir existéieren bis haut eng Rëtsch Communautéite mat lëtzebuergesche Wuerzelen am Ausland, esou z. B. an diverse Länner aus Europa, mee och an den USA oder a Brasilien. Et handelt sech heibäi ëm Lëtzebuurger, déi hiert Land verlooss hunn, ouni dobäi opzehalen Deel vun der Lëtzebuurger Kultur ze sinn.

No enger Ëmfro vu *LuxCitizenship* mat Amerikaner, déi Virfahren a Lëtzebuerg hunn an dofir d'Lëtzebuurger Nationalitéit ufroe kënnen (oder schonns ugefrot hunn), plangen 81% vun de Befroten iergendwann an hirem Liewen op Lëtzebuerg oder an d'EU ze plënnere an 22% hu konkret Pläng fir déi kommend 5 Joer.

D'Zuele weisen also, dass de Wonsch, zu Lëtzebuerg oder an Europa ze liewen, enk verbonnen ass, mat engem Unhuele vun der Nationalitéit. Fir vill Amerikaner ass et allerdéngs net einfach am Land vun hiren eemolege Virfahre Fouss ze faassen, well si no dräi oder méi Generatiounen, déi an den USA gelieft hunn, d'Lëtzebuurger Sprooch net méi beherrschen. Trotzdeem hunn 83,6% vun de Befroten uginn, si hätten Interessi drun, Lëtzebuergesch ze léieren.

Fir den Ausländer, déi d'Lëtzebuurger Nationalitéit unhuele wëllen, d'Léiere vun eiser Sprooch esou zougänglech wéi méiglech ze maachen, kënnen verschidde Fraise rembourséiert ginn, wéi een op Guichet.lu noliese kann:

Sur demande adressée au ministère de la Justice et sous certaines conditions, le candidat à la nationalité luxembourgeoise peut obtenir le [remboursement des frais d'inscription](#) liés :

- à la participation à l'examen d'évaluation de la langue luxembourgeoise (Sproochentest Lëtzebuergesch) ;
- aux cours de langue luxembourgeoise, organisés par l'Institut national des



www.piraten.lu

langues ou par un autre prestataire dont le programme du cours est agréé par le ministère de l'Education nationale.

Fir Persounen, déi am Ausland schonn d'Lëtzebuenger Nationalitéit unhuelen an dann eréischt op Lëtzebuerg kommen, (esou wéi dat z. B. bei Persoune mat Lëtzebuergesche Virfahren de Fall ass), ass et aktuell net méiglech Sproochcourse rembourséiert ze kréien, well si zu deem Zäitpunkt, wou si am Land ukommen, jo keen "candidat à la nationalité luxembourgeoise" méi sinn, mee e Lëtzebuenger Bierger.

An deem Zesummenhang wéilt ech de Ministeren dës Fro stellen:

1. Denkt d'Regierung driwwer no, d'Konditiounen fir e Remboursement vu Sproochcoursen esou auszewäiten, dass Persounen och nach während enger gewësser Periode nodeems si d'Lëtzebuenger Nationalitéit ugefrot hunn, vun enger Ënnerstëtzung profitéiere kënnen?

Mat déiwem Respekt,



CLEMENT Sven
Député



Äntwert vum Minister fir Educatioun, Kanner a Jugend op d'parlamentaresch Fro Nr. 4268 vum honorabelen Här Deputéierte Sven Clement

Wei den honorabelen Deputéierten richteg feststellt, falen déi Leit, déi d'Lëtzebuenger Nationalitéit kruten, well se Lëtzebuenger Virfaren hunn, net ënnert d'Bestëmmungen vum Reglement grand-ducal vum 22. Juli 2019, dat de Remboursement vu Frais virgesäit, déi duerch d'Deelhuelen u Lëtzebuergeschcoursen entstinn.

De Reglement viséiert direkt am Ufank "*toute personne non-luxembourgeoise*", also net Leit, déi schonns Lëtzebuenger sinn oder iwwer en anere Wee kierzlech gi sinn. De Remboursement ass virgesinn, well bei dëse Leit d'Sproochecoursen eng gesetzlech Konditioun duerstellen, fir d'Nationalitéit iwwerhaapt ze kréien.

Natierlech freet et eis alleguer, wann déi "néi" Lëtzebuenger mat lëtzebuenger Virfaren och eis Sprooch wëlle léieren. Dofir huet den Institut national des langues (INL) zwou Pisten an Ugrëff geholl:

1. Do wou Interessi besteet, wäerten an eisen Ambassaden Séminairen, eng Aart Crashcours vun enger Woch, ugebuede ginn. Dem Gesetz vum INL entspreichend sinn déi Coursen awer net gratis. Een éischte Cours war am Februar 2020 zu Paräis. No der Pandemie gëtt déi Initiativ nees opgegraff.
2. Den INL entwéckelt en informatéschen Outil, dee Leit op der ganzer Welt am e-learning erlaabt, gratis Lëtzebuergesch ze léieren. D'Ausschreiwung vum Marché public fir den techneschen an informatésche Volet ass grad amgaangen ofgeschloss ze ginn. Den INL ass zoustänneg fir d'Contenuen an d'Didaktik.